

左  
通  
補  
釋

補釋廿七

起昭公廿三年盡廿六年

左通一

錢塘梁履繩學

昭廿三

晉師在平陰解今河陰縣

平陰古爲津濟處陳平降漢王使參乘監諸將南渡平陰  
津至洛陽是也後置平陰縣以縣在平津大河之間故名  
魏晉改曰河陰唐改曰河清至金移治于河南岸改曰孟  
津縣卽今河南府之孟津縣治也杜注之河陰縣與今鄭  
州之河陰縣有別

大事表  
八上

王師在澤邑

春秋天王居于狄泉史記敬王元年晉人入敬王子朝自  
立敬王不得入居澤卽此事蓋卽狄泉也

春秋地名  
攷略一

將自離姑解邾邑從離姑則道徑魯之武城

其地在今山東沂州府費縣故武城之南

大事表七之二

徐鉏丘弱茅地解三子邾大夫

張彝曰下云獲鉏弱地據哀七年邾茅夷鴻以茅叛知徐與丘亦必其食邑丘疑卽僖元年之虛丘或襄二十一年之閭丘惟徐未見經傳

斷其後之木而弗殊

殊者斷而未離也義如史記刺蘇秦不死殊而走

尚靜齋經說

案莊子在宥篇釋文殊死如字廣雅云殊斷也司馬云決也

單子取訾解訾在河南鞏縣西南

訾東訾二名河南鞏縣西南訾城也

詳下年傳杜氏土地名

劉子取牆人直人

牆廝也昭二十三有廝人周地

路史國名紀七詳攷異

今河南府新

安縣東北有白牆村

春秋地名攷略一

直直柄國

直柄見昭三十

昭二十

三年直人周地

路史國名紀四

王子朝入于尹解自京入尹氏之邑

今山西汾州府有尹吉甫墓即古尹城也

日講春秋解義五十四

單子從阪道

假師東南有鄂里阪鞏縣東南有轅轅阪宜陽東南有九

曲阪未詳孰是

春秋地名攷略一

劉子從尹道伐尹

尹道尹

杜氏土地名本孔廣祚云下

此條據微波榭刊當有二名二字

案尹道即由

此伐尹之道也

次于左巷解近東城

巷巷伯采

路史國名紀五案  
通志氏族略三同

鄩羅解周大夫鄩肸之子

洛水又東逕訾城北又東羅水注之水出方山羅川西北  
流蒲池水注之水南出蒲阪西北流合羅水謂之長羅川

亦曰羅中也蓋肸子鄩羅之宿居故川得其名耳水經洛水注

尹辛敗劉師于唐解周地

後漢志雒陽有唐聚在今河南府洛陽縣東大事表

攻蒯解河南縣西南蒯鄉是也

蒯在河南府洛陽縣西南春秋  
輿圖

又將叛齊

上年與齊盟

顧氏補正下

子瑕卒解子瑕即令尹不起所疾也

管子戒篇云不幸而不起此疾杜氏本之

尚靜齋經說

陳大夫齧解夏齧徵舒立孫正義案世本宣公生子夏夏生

御叔叔生徵舒舒生惠子晉晉生御寇寇生悼子齧齧是徵

舒曾孫杜云立孫未詳

案程氏世譜七同世本唯御寇作禦寇

夏齧悼子徵舒三世孫夏區夫

案哀十三年經釋文區烏侯反類篇區墟侯切陳有

夏姬夫通作飛

徵舒四世孫

案世譜七云齧生區夫杜氏世族譜

案齧乃徵舒曾

孫世族譜謂為徵舒三世孫是也杜預於昭二十三年注

云徵舒立孫自為異同當以世族譜為正

春秋分記世譜七

請先者去備薄威解示之以不整以誘之

尉繚子

攻權篇

曰兵有去備徹威而勝者以其有法故也

惠氏

補注五

戰于雞父解楚地安豐縣南有雞備亭

今江南

安徽

鳳陽府壽州西南六十里有安豐故城雞備亭

又在其城西南

大事表七之四

吳子以罪人三千先犯胡沈與陳

何罪人之多也刊濫甚矣吳之亡也宜哉此一役也君滅

臣獲皆用公子光之謀故構李之戰越以罪人三行誤師

兵敗身死釀成仇敵吳命以短是亦天道之好還也

周氏附論

吳之罪人或奔或止

陳禹謨曰勝敵之兵必候敵亂則可乘藉非已先以亂彼之整者未易動也孫武所謂亂而取之固已雖然亂復何易一亂之後或遂至不可復收祇遺敵禽耳苻堅非永鑒

哉

讀左日鈔十

先君之力可濟也解先君謂蚩之父獻公也獻公亦欲立子猛未及而卒

服虔注云獻公亦欲立子猛不欲令子朝得國今南宮極震死爲天所弃先君之功事可成也

太平御覽  
咎徵部七

今西王之大臣亦震天弃之矣東王必大克解子朝在王城西故謂西王敬王居狄泉在王城之東故曰東王

西王傳見子朝所以書立

趙氏補注九

戰國東西周之分已兆



於此尚靜齋經說

楚大子建之母在郢解郢陽也

孔廣棡曰蔡地郢陽

見十年

郢二名在今河南新蔡境

乃縊於蕩澨解楚地

水經末言三澨池在南郡郢縣之北

郢縣故城在今襄陽府宜城縣東北孟康

音忌

鄭注云尚書曰導漢水過三澨地說曰沔水東行過

三澨合流觸大別山陂故馬融鄭玄王肅孔安國等咸以

爲三澨水名也許慎言澨者埤增水邊土人所止也案春

秋左傳文公十六年楚軍次于句澨以伐諸庸宣公四年

楚令尹子越師于漳澨定公四年左司馬戌敗吳師于雍

澨昭公二十三年司馬蕩越縊於蓬澨

今左傳本作蕩澨蓋以上有蕩字而

誤詳見  
攷異 服虔或謂之邑又謂之地京相璠曰杜預亦云水

際及邊地名也今南陽清陽二縣之間清水之濱有南澁

北澁矣而諸儒之論水陸相半又無山源出處之所津途

關路唯鄭玄及劉澄之言在竟陵縣界經云邵縣北池然

池流多矣而論者疑焉亦不能辨其所在渭案左傳澁有

五雎澁宋地成十故酈注不引今就其所引者論之不知

何者可當三澁之自蔡傳以漳澁蕞澁與汭水爲三澁而

句澁雍澁其地皆有可攷卻不數韓汝節宗之以汭澁漳

澁蕞澁爲三澁韓云汭楚駕反今案唐汚州有汭川縣杜

佑曰汭音义宋避太宗嫌名改以川曰漢川縣則汭與義同音可知廣韻汭

魚肺切水名蔡傳作汭從俗也 汭澁古無此名蕞澁不  
知所在紛紛推測終無定論所可知者三澁爲漢水之三

大防其地當有名川來入漢上不越滄浪下不踰大別而  
已愚意三澁當在清水入漢處一在襄城北卽大隄一在  
樊城南一在三洲口東皆襄陽縣地在郢縣之北也言在  
竟陵者非是

禹貢錐指  
十四上

案高氏地名攷略據舊承天府

志京山縣境有遠澁今堙京山屬湖北安陸府蓋亦臆度  
之辭也惠氏補注以句澁雍澁蕰澁爲三澁卽依酈注之  
文較勝韓說

楚囊瓦爲令尹城郢沈尹戌曰子常必亡郢

囊瓦子囊之孫也當時子囊爲令尹襄十四年卒遺言必  
城郢君子謂子囊忠以城郢論之子囊既有遺言今囊瓦  
城之可謂能承乃祖之志何故當時深識遠慮之士指爲

危亡之證蓋當子囊建城郢之議時正是楚國之勢尊安閒暇能爲豫備之計到囊瓦爲令尹時內有弱勢外逼疆吳則其城郢蓋不能與人校退守自固自郢之外有不暇及故城郢雖同事勢大異正如仁宗朝西夏內陵范文正公建築都城之議時斷國論者以不可示弱諍之亦沈尹

戍城郢之意也

呂氏春秋左氏傳說十五

昭廿四

士伯立于乾祭解王城北門

河南春秋時謂之王城東城門名鼎門

詳宣三年鄭鄆

北城門名

乾祭

續漢書郡國志一水注穀水又東流

案水經穀運乾祭門北

夏五月乙未朔日有食之

癸未歲

今歷推之是月乙未朔加時在晝交分二十六日三千八

百三十九分入食限

元史歷志二

曾子問孔子曰昔者吾從老

聃助葬於巷黨及塋日有食之惟昭公二十有四年夏五

月乙未朔日有食之見春秋此卽孔子從老聃問禮時也

法推是年癸未歲中積六十五萬六千七百。九日。七

刻五月定朔三十一日三十七刻乙未日巳時合朔交泛

二十六日三十八刻恰入食限

四書釋地續

攻瑕及杏解瑕杏敬王邑

汪繩祖曰瑕爲周邑未詳其處案襄十年有瑕禽昭十二

年有瑕辛蓋卽以食邑爲氏也洛陽記禹州城北有杏

山

案州今屬河南開封府春秋地名攷略一

王子朝用成周之寶珪于河解禱河求福

大河經河南府洛陽縣北境禹貢東過洛汭正當王城之

東北故子朝用珪于河以求福也

大事表八上

津人得諸河上解珪白出水

河神不敢受故也

史記周本紀正義

陰不佞解不佞敬王大夫

孔廣斌曰昭二十二年晉師軍于陰襄十二年有陰里昭

十二年有陰忌

廿六年別有陰忌

蓋食采於陰者或卽其後

與之東訾解鞏縣西南訾城是也

訾有二西訾在濰

案國名紀三云齊大夫采今濰之都昌西有訾故城

東訾在鞏西

有故城屬周單子取之

昭廿三史國名紀五

東訾在河南府鞏縣

西南四十里

春秋輿圖

楚子爲舟師以略吳疆 越大夫胥犴勞王於豫章之汭越公子倉歸王乘舟倉及壽夢帥師從王

據此則豫章爲水濱案地圖饒州府之鄱陽縣爲楚餘干縣爲越豫章之汭卽今鄱陽湖連互二縣之境歸王乘舟當在此吳楚越三國之分界也余親歷鄱陽湖方深曉其地理蓋杭州以西爲吳地由杭州而嚴州而徽州至饒州之鄱陽縣濱湖則闔閭十一年伐楚取番之路也

本史記年表

衢州之龍游縣爲越姑蔑由衢州而廣信而饒州至餘干縣亦濱湖則越大夫帥從王歸王乘舟之路也哀十九年越侵吳以誤楚楚追之至冥當亦近餘干之境

大事表九

王及圉陽而還解圉陽楚地

閤陽應在江南

安徽

廬州府巢縣南境

大事表七之四

昭廿五

桐門右師見之解右師樂大心居桐門

襄十年楚及鄭圍宋門于桐門哀二十六年杜注桐門北

門

春秋地名攷略十

宋樂大心爲右師食采桐門因氏焉

通志氏族略三

餘詳僖廿六年東門襄仲下

而賤司城氏解司城樂氏之大宗也

襄九年樂喜爲司城喜孫祁孫棐世爲司城

昭廿二此哀廿六

時祁居是官蓋與大心有隙故賤之觀定九年祁子溷譖

逐桐門右師可見

周氏附論

賦新宮

解逸詩正義

燕禮記云升歌鹿鳴下管新宮鄭玄云

新宮小雅逸篇也

云云



左傳昭二十五年宋公享昭子賦新宮計孔子時年三十餘矣所以錄不得者詩之逸亡必有積漸當孔子之時道衰樂廢自宋公賦新宮至孔子定詩三十餘年其間足得亡之也聖人雖無所不知不得以意錄之也

詩由庚崇上由儀序正義

案燕禮記升歌鹿鳴下管新宮

大射儀云乃管新宮三終

新宮與鹿鳴

相次蓋一時之詩而爲燕饗賓客及大射之樂者其在小雅中無疑必不爲聖人所刪又必不至孔子時已亡逸所以者何商頌十二篇是正考甫當東遷之前得於周太師故孔子時亡其大半若魯昭公二十五年宋公享叔孫昭子賦新宮其詩見存孔子時年三十五去孔子年四十三退修詩書禮樂弟子彌衆僅八年

案襄卅一年正義昭二十四年服虔載賈逵語

云是歲孟僖子卒屬其子使事仲尼仲尼時年三十五據此當云年三十六至定詩時裁七年安得詩遂

逸應編列孔門舊本三百篇內耳又思鄉射奏騶虞大射奏騶首周禮射人王以騶虞九節諸侯以騶首七節孤卿大夫及士以采蘋采蘩五節則騶首之詩與騶虞采蘋采蘩相次孔穎達所謂當在召南者是夫旣在召南必不爲聖人所刪又必不至孔子時亡逸所以者何射義出七十七子後學者之手觀記及孔子矍相之圃之射可見且歷歷舉其詩豈孔子時反亡逸乎蓋原編列召南相其辭又頗似二雅祇遭秦火而失之余嘗疑何彼穠矣屬東遷以後之詩安知非見于王風或齊風者而後之學者誤取以充召南十四篇之數方爲正風亦未可定

尚書古文疏證五下

案閭

氏之論似勝孔義大射儀新宮注云其篇亡其義未聞而  
上光庭兼明書強爲補亡聊附錄之補新宮小序新宮成  
室也宮室畢乃祭而落之又與朝臣賓客燕飲謂之成也  
奐奐新宮禮樂其融爾德維賢爾口維忠爲忠以公斯筵  
是同人之醉我與我延賓奐奐新宮旣奐而輪其固如山  
其儼如雲其寢斯安口口口分我旣考落以燕羣臣奐奐  
新宮旣祭旣延我口口鏞于以醉賢有禮無愆我有斯宮  
斯宮以安康後萬年新宮三章章八句

明年將納王

晉人徵會則曰明年

見上傳

納王又曰明年傳見不惟怠且

觀望

趙氏補注九

夫禮天之經也地之義也民之行也天地之經而民實則之則天之明因地之性解經者道之常義者利之宜行者人所履日月星辰天之明也高下剛柔地之性也正義孝經以孝爲天之經地之義者孝是禮之本禮爲孝之末本末別名理實不異故取法天地其事同也

左氏傳趙簡子問子大叔何謂禮對曰聞諸先大夫子產曰夫禮天之經也地之義也人之行也天地之經人實則之則天之明因地之利孔子取爲孝經之辭也後漢書延篤傳注

案此文孝經取入三才章而庶人章云用天之道分地之利亦取此傳吳草廬校定孝經古今文引子朱子之說云易禮字爲孝字而文勢不若彼之通貫條目不若彼之

完備明此襲彼非彼取此也是說極爲明確李氏光地以爲左氏傳出最後大抵采摭經史雜以傳授聞見烏知非左氏撮孝經之意而爲之辭乎見榕村集十八履繩謂孝經出於漢初左氏未盛行之時本朱子以左氏習聞闕里緒言故取之皆爲孔子之語如聖治及事君章亦是也詳見文十八年補釋及宣十二年臆說

爲父子兄弟姑姊甥舅昏媾姻亞以象天明解六親和睦以事嚴父若衆星之共辰極也

孝經云則天之明左傳云爲父子兄弟姻媾以象天明是於天理常然爲天明白之道書康誥正義

以制六志正義此六志禮記謂之六情在己爲情情動爲志

情志一也所從言之異耳

經傳亦多言六情唯禮運云何謂人情喜怒哀懼愛惡欲  
七者弗學而能獨言七者六是其正彼依附而異文耳愛  
卽好也欲卽樂也懼蓋怒中之別出已情爲怒聞彼怒而  
懼是怒之與懼外內相依以爲彼此之異故分之爲七大  
意猶與此同也

詩烝民  
正義

生好物也死惡物也好物樂也惡物哀也哀樂不失乃能協  
于天地之性

周書度訓曰凡民之所好惡生物是好死物是惡

惠氏補  
注六

案春秋繁露陽尊陰卑篇曰明王正喜以當春正怒以  
當秋正樂以當夏正哀以當冬上下法此以取天之道春

氣凌秋氣嚴夏氣樂冬氣哀凌氣以生物嚴氣以成功樂  
氣以養生哀氣以喪終天之志也其理正與此傳相發明  
鞅也請終身守此言也解鞅能守此言故終免於晉陽之難

傳見趙鞅不在王室

趙氏補注九

受牒而退

今世臺府移文屬郡曰牒蓋春秋時霸主於列國已用之

矣

羅大經鶴林玉露九

有鸛鵒來巢書所無也解此鳥穴居不在魯界故曰來巢

案異義公羊以爲鸛鵒夷狄之鳥穴居今來至魯之中國  
巢居此權臣欲自下居上之象穀梁亦以爲夷狄之鳥來  
中國義與公羊同左氏以爲鸛鵒來巢書所無也彼注云

周禮曰鸛鵒不踰濟今踰宜穴而又巢故曰書所無也許  
君謹案從二傳後鄭駿之云案春秋言來者甚多非皆從  
夷狄來也從魯疆外而至則言來鸛鵒本濟西穴處今乃  
踰濟而東又巢爲昭公將去魯國今先鄭云不踰濟無妨  
於中國有之與後鄭義同也考工記疏邵子曰天下將治則天  
地之氣自北而南天下將亂則天地之氣自南而北禽鳥  
飛類得氣之先者也春秋書六鷁退飛鸛鵒來巢氣使之  
也鸛鵒不踰濟而至魯豈非氣自南而北之驗哉當此之  
先楚雖爲中國患而齊晉猶足以抑之自此之後晉霸不  
競吳楚越皆以南夷迭主夏盟諸侯斂衽事之馴至大亂  
則知鸛鵒來巢之祥不特昭公出奔之兆也

張氏春秋  
集注九



吾聞文成之世

卷之十

賈逵曰文成魯文公成公

史記魯世家集解

公在乾侯廿八年解乾侯在魏郡斥丘縣晉竟內邑

斥丘城直隸廣平府成安縣東南十三里春秋時晉之乾

侯邑漢爲斥丘縣

讀史方輿紀要十五

徵褰與儒解褰袴也

師古曰徵求也褰袴也言公出外求袴襦之服

漢書五行志中之上

注

稠父喪勞宋父以驕解稠父昭公死外故喪勞宋父定公代

立故以驕

師古曰父讀曰甫甫者男子之通號故云稠父宋父也言

昭公欲去季氏不遂而出故曰喪勞定公無德於下坐致

君位故曰以驕五行志中

季公亥與公思展解展季氏族

複姓左傳魯有公思展廣韻公字注

以示秦遄之妻解秦遄魯大夫

魯大夫秦氏秦子莊秦董父秦平茲襄秦遄案莊公築臺

于秦案大事表云在今山東曹州府范縣南三里蓋以地為氏也家語弟子解

有秦商即平秦祖鄭玄曰秦非史記弟子列傳有秦冉孔

叢子有秦莊子皆魯人萬氏氏族略

又訴於公甫解公甫平子弟

公父氏公父靖穆伯季孫紇子穆伯見魯語下公紇生三

子曰意如曰公甫靖

後為公甫氏

曰公之

無後春秋分紀世譜六

秦姬以告公之解公之亦平子弟

季悼子之子鞅字公之

通志氏族略三子堅字公石顧氏

案此下云悼公世系表以為悼

子之名堅誤已

季氏介其雞解擣芥子播其羽也或曰以膠沙播之為介雞

正義杜此二解一讀介為芥擣芥子為末播其雞羽賈逵云

擣芥子為末播其雞翼可以全郈氏雞目是此說也鄭眾云

介甲也為雞著甲高誘注呂氏春秋云作小鎧著雞頭杜又

云或曰不知誰說以膠沙播之亦不可解蓋以膠塗雞之足

爪然後以沙糝之令其澀得傷彼雞也以郈氏為金距言之

則著甲是也

史記魯世家曰季氏與郈氏鬪雞季氏芥雞羽郈氏金距  
司馬遷改介爲芥而杜預用其說以訓左傳耳觀國案介  
與芥不相通用介者介胄之介也爲甲以蔽雞之臆則可  
以禦彼之金距司馬誤改介爲芥而杜循其誤旣自以爲  
疑又增膠沙之說夫以膠浹沙而播其羽是自累也又惡  
能勝彼雞

學林

案史記集解用賈說服氏同杜解本之

儀禮少牢饋食禮疏並存服鄭之說此傳正義亦以著甲

爲是古介芥每通用王氏乃謂司馬誤改非也

詳攷

吳曾

能改齋漫錄四摘其謂左傳介其雞當從高誘注以鎧著

雞頭不當作蒙雞之臆履繩以爲二說前人並用望文爲

義庾子山鬪雞云狸膏燠鬪敵芥紛璫春場韓孟鬪雞聯

句云既取冠為冑復以距為鍍可證也

郈氏為之金距

注云金距以金踏距

儀禮少牢饋食禮疏記集解服虔曰以金錯距

案史

以利鐵

作鍛距沓其距上

呂氏春秋察微篇注

金距施金芒於距也

淮南人間訓注

師古曰距雞附足骨鬪時所用刺之

漢書五行志中之上注

故郈昭伯亦怨平子

案系本昭伯名惡魯孝公之後稱厚氏也

史記魯系家索隱

餘

詳襄十四年厚成叔下

臧昭伯之從弟會昭伯臧為子

為見襄廿三

賈逵曰昭伯臧孫賜也

史記魯世家集解

系本臧會臧頃伯也宣

叔許之孫與昭伯賜為從父昆弟也

又索隱

為生賜伯昭賜生

倉

見孟

疇生會

疇見襄十七

會生賓如

哀八

賓如生石

哀廿四春秋分記

世譜

案杜譜云爲之子賜賜之從弟會曰從弟會蓋疇

之子矣世系乃以會爲爲之子若然何不曰賜之弟而云

從弟乎又譜云賓如從兄曰倉賓如既爲會子則倉當是

賜子而世系以倉爲會子亦非也

萬者二人其衆萬於季氏臧孫曰此之謂不能庸先君之廟

解不能用禮也蓋襄公別立廟

先君謂襄公不能庸禮指萬者二八言蓋典祀之豐于昵

舊矣萬者止二八而其衆萬於季氏則尤一時非常之失

禮也故臧孫譏切之

沈氏小疏

二八說詳駁證

公若獻弓於公爲解公爲昭公子務人

公衍公爲

見昭廿九

卽公子衍公子爲去子而言公則公爲裔

矣昭公失國故其子孫以裔爲氏

通志氏族略四

叔孫昭子如闕解魯邑桓十一年解在東平須昌縣東南

桓十一年公會宋公于闕昭二十五年叔孫昭子如闕三

十二年公在乾侯取闕定元年季孫使役如闕杜氏云闕

魯羣公墓所在也自隱桓已下皆葬此今汶上縣西南三

十五里有南旺湖湖中有闕亭其地高阜六七卽魯先公

葬處

春秋地名攷略二

公居於長府解官府名

長府今不知所在意其與季氏家實近公居焉出不意而  
攻之論語鄭注長府藏名也藏財貨曰府又意公微弱將

攻權臣必先據藏財貨之府庶可結士心亦一解蓋應劭

曰曲阜在魯城中委曲長七八里

見續漢書郡國志注

酈道元曰阜

上有季氏宅宅有武子臺臺之西北二里有周公臺南四

里許則孔廟卽夫子之故宅也

見水經泗水注

然則今知孔廟所

在則可以知季氏宮由此又可想像而得長府地信夫楊

泉物理論引語云能理亂絲乃可讀詩竊以地理之書亦

然

四書釋地

平子登臺而請曰

此臺疑卽定十二年所云武子之臺也

尚靜齋經說

遇難者每

登臺而請

如襄廿五年之齊莊公

乃知古人作游觀之具皆有深意

魏禮曰余行山東見家有備禦之臺去梯則陡絕莊子所



謂有樓櫓之備者是也

魏禧左傳經世鈔二十

臣請待於沂上以察罪解魯城南自有沂水平子欲出城待罪也大沂水出蓋縣南至下邳入泗正義釋例土地名襄十八年沂水出東莞蓋縣艾山南經琅邪東海案今釋例本南上有東字至下邳縣入泗此沂水出魯國魯縣西南入泗水案今本作是東南入泗沂水有二也云云

今曲阜縣南二里雩門沂水出自尼山西流經此論語所云浴乎沂風乎舞雩者也又西入滋陽縣境合于泗水舞雩壇亦在縣南尼山在縣東南五十里杜氏云魯城南自有沂水蓋以別于沂州之沂水也此水出蓋縣臨樂山入于洙春秋地名攷略二履繩嘗至曲阜展謁尼山過沂水者數

次蓋春夏成河秋冬則漸涸或謂卽小沂水非也至出蓋縣之沂水卽周禮所謂青州其寢沂地屬齊杜例所云大沂水也餘詳襄十八年哀二年

請以五乘亡

服虔曰言五乘自省約以出

史記魯世家集解

日入慝作解慝姦惡也日冥姦人將起

周禮環人察軍慝康成曰慝陰姦也賈公彥曰欲陰私爲

姦取此軍之事往彼言之

惠氏補注六

叔孫氏之司馬驪戾

家司馬各使其臣以正於公司馬

周禮夏官司馬序官

卿大夫之采

地王不特置司馬各自使其家臣爲司馬主其地之軍賦

往聽政於王之司馬

注又

家司馬大夫家臣爲司馬者春秋

傳曰叔孫氏之司馬黶戾

夏官都司馬注

彼是諸侯卿家自置司

馬此王之卿大夫之家亦自置引諸侯家灋者自置是同

又疏

公孫于齊次于陽州齊侯將唁公于平陰公先至于野井齊侯曰寡人之罪也使有司待于平陰爲近故也解陽州齊魯竟上邑未敢直前故次于竟濟南祝阿縣東有野井亭齊侯來唁公公不敢遠勞故逆之往至野井齊侯自咎本不勅有司遠詣陽州而欲近會于平陰故令魯侯過共先至野井遠見迎逆自咎以謝公

平陰去齊遠

平陰齊邑見襄十八

陽州又遠

詳襄卅一

野井去齊近齊侯

將唁公于平陰而公先至野井齊侯言爲近之故而使有司待于平陰所謂寡人之罪者如此

邵氏左傳

齊野非在今山

東濟南府齊河縣東濟河北岸

大事表七之一

繾綣從公無通外內解繾綣不離散

繾綣反覆也

詩民勞傳

左傳繾綣從公無通外內則繾綣者牢

固相著之意非善惡之辭但施於善則善施於惡則惡耳

又正義

左師展告公解展魯大夫

宋有左師

始見僖九

今魯亦設是官與襄二十三年之左宰傳

祇一見

周氏附論

左師展將以公乘馬而歸釋文乘如字騎馬也正義古者服

牛乘馬馬以駕車不單騎也云云炫謂此左師展將以公乘馬而歸欲共公單騎而歸此騎馬之漸也

古以車戰春秋時鄭晉有徒兵而騎兵蓋始於戰國之初曲禮前有車騎六韜言騎戰其書當出於周末然左氏傳左師展將以昭公乘馬而歸公羊傳齊魯相遇以鞍爲几

昭廿五已有騎之漸困學紀聞五

尹文公涉于鞏解於鞏縣涉洛水也

洛水又東逕鞏縣故城南東周所居也本周之畿內鞏伯國也春秋左傳所謂尹文公涉于鞏卽於此也

水經洛水注周

鞏伯邑後西周惠公封少子班于此爲東周今鞏縣西南

三十里有鞏王城

大事表七之一

卒于曲棘解陳畱外黃縣城中有曲棘里宋地

曲棘當在今河南開封府杞縣境大事表七之二

奔郕解郕在東平無鹽縣東南

在今山東泰安府東平州東南十里定十二年仲由將墮

三都叔孫氏墮郕卽此大事表七之一

計於季氏解送計簿於季氏

昭四年傳季孫爲司徒謂季武子也季氏世爲正卿平子

踐司徒之職賈正送計簿乃其屬云春秋分記職官書一師古曰計

若今之諸州計帳也漢書武帝紀注

楚子使薳射城州屈復茹人焉

州屈在今江南安徽鳳陽府鳳陽縣西茹近淮小邑春秋地名攷略

城丘皇

丘皇在今河南汝寧府信陽州境大事表七之四

季然郭卷解卷城在南陽葉縣南

今河南葉縣案縣屬南陽府西南有建城故城即其地日講春秋解義五

四十

昭廿六謂子猶之人高齕

弱子齕弱見成十七秋分記世譜二春齊臣高齕史記魯世家齊高齕字齕

秦王齕字齕說文齕側齕也側字據一切經音義十三引許慎說增齕齕也

史記田儋傳秦復得志於天下則齕乾用事者墳墓矣集

解引如淳注云齕齕猶辭齕索隱云齕側齕也周秦名解故

上

使公子鉏帥師從公解鉏齊大夫

江磐曰鉏即景公子哀五年奔魯亦稱南郭且于見哀六

成人伐齊師之飲馬於淄者

兗州府寧陽縣東北舊有淄水今涸大事表八上餘詳駁證

齊子淵捷

子泉氏姜姓案潛夫論志氏姓篇齊之子世本齊頃公之

子公子湫字子泉之後也又子泉捷齊大夫見新序義勇篇

通志氏族略三別詳攷異

必子彊也解子彊武子字

無宇生三子陳無宇見襄六日開無後日乞見哀六日書無後春秋分記世譜六



案史記無字生武子開與釐子乞哀十一年傳陳僖子

謂其弟書

亦曰孫書見昭十九

即可徵兄弟之次

林雍羞爲顏鳴右解皆魯人

林氏姬姓周平王庶子林開之後因以爲氏魯有林放仲

尼弟子林雍林不狃

哀十林楚定八

世仕季氏故曰林氏之

先皆季氏之良也顏氏曹姓顓帝玄孫陸終第五子曰安

安裔孫挾周武王時封之於邾爲魯附庸邾挾之後至於

夷父字顏公羊謂之顏公子孫因以爲氏據圉稱陳畱風

俗傳及葛洪要字皆如此云王儉譜云顏氏出自魯侯伯

禽支庶食采顏邑因氏焉

案廣韻用此說

眞卿尚書譜云未知儉

何所憑故當依圉葛二家及舊譜爲定仲尼弟子達者顏

氏八人四科之首稱顏淵然惟齊魯多顏氏豈其近於邾

故顏公之子孫散在二國與

通志氏族略三

案隱元年有邾儀

父莊十六年書邾子克夷父卽儀父

詳攷異

克其名也顏見

公羊昭卅一年傳何氏注稱爲顏公此乃謂夷父字顏未

確孔子弟子多顏氏據史記列傳及家語之文其見於傳

者則有顏鳴顏高

定八亦見史記

顏息

定八

顏羽

哀十一

又有仲顏莊

叔

襄廿九

疑是別族

苑子之御曰視下顧解復欲使苑子擊其足

視下句絕顧者記御者言時既視苑子又視林雍之足也

沈氏小疏

劉人敗王城之師于尸氏解尸氏在鞏縣西南偃師城

尸氏尸二名

案傳下云遂次于尸杜氏土地名

漢志偃師有尸鄉今河南

偃師縣西南新蔡鎮卽古尸鄉也

日講春秋解義五十五

尸氏在河

南府偃師縣西三十里田橫自到處

大事表七之一

戰于施谷解周地

大谷在河南府洛陽縣東後漢書孫堅進軍大谷距洛九

十里其谷連互至潁陽縣何進設八關大谷其一也周之

施谷萑谷蓋皆大谷之支徑耳

春秋地名攷略一

盟于鄆陵解地闕

趙先生曰鄆陵卽鄆故墟也成公六年魯取鄆

俞氏春秋集傳釋義

大成

次于渠解周地

渠陽渠也陸機洛陽記劉澄之永初記言城西面有陽渠

周公之所制也亦謂之九曲瀆在河南鞏縣西通洛陽

春秋

地名攷略

王宿于褚氏解洛陽縣南有褚氏亭

褚氏在今洛陽縣東

日講春秋解義五十五

丁丑王次于崔谷庚辰王入于胥靡辛巳王次于滑解崔谷

胥靡滑皆周地胥靡滑本鄭邑

崔谷在洛陽縣東滑今河南府偃師縣南緱氏故城卽古

滑地

大事表七之一

案滑國名秦滅之而不能有爲晉所得然其

地近鄭在所必爭成十七年鄭人所以侵虛滑也是時則

歸王室逮定六年鄭伐周馮滑胥靡此鄭人爭滑之驗也

春秋地名攷略一

胥靡詳襄十八年滑詳僖廿年

使女寬守闕塞

解女寬晉大夫闕塞洛陽西南伊闕口也

叔寬女齊之子叔褒也

國語晉語九注

晉女寬字叔褒說文褒衣

博裾也淮南汜論訓褒衣博帶又主術訓一人被之而不

褒萬人蒙之而不褊是褒者寬大也漢韓勅碑陰王褒字

文博孔宙碑陰陳褒字聖博亦此義

周秦名字解故上

闕塞闕外

二名

杜氏土地名

服虔謂南山伊闕是也

樂史太平寰宇記三

陸璣云洛

有四闕斯其一焉

水經伊水注

闕塞山在河南府西南三十里

亦曰龍門山亦曰伊闕山一名闕口山一名鍾山又為龍

門龍志云山之東曰香山西曰龍門大禹疏以通水

讀史方輿

紀要四十八

是亂國而惡君王也解言王子建聘之是章君王之惡

服云廢而不立是謂亂國追惡君王也太平御覽皇親部十三

國有外援不可瀆也解外援秦也瀆慢也

服虔云外援謂太子任秦之外孫驥易也秦為任外援不

可易太平御覽皇親部十三別詳攷異

以奔楚

子鼂楚之出也漢書五行志上

陰忌奔莒以叛解陰忌子朝黨莒周邑

雜人陰忌杜氏世族譜孔廣斌曰昭十二年案國語鄭

有曹姓之莒或言周滅之春秋地名莒國之外莒見又有

三莒周莒齊莒昭魯莒父定此周莒也其地未詳大事表七

之一

遂軍圍澤次于隄上解皆周地

圍澤卽東園之澤也在今洛陽縣東境日講春秋漢書解義五十五

孝文時河決酸棗東潰金隄寰宇記金隄在洛陽縣西南

二十三里時漢興未四十年河道始決金隄係三代時物

明矣所云隄上或卽此也春秋地名攷略一

王入于成周解成周今洛陽

東萊呂氏曰漢河南縣卽邾鄆周武王遷九鼎周公營以

爲都是爲王城洛誥所謂卜澗水東瀍水西惟洛食者也

漢洛陽縣周公營下都以遷殷頑民是爲成周洛誥所謂

卜瀍水東亦惟洛食者也平王東遷定都于王城子朝之

亂其餘黨多在王城敬王畏之徙都成周臨川吳氏曰王

城曰東蓋以鎬京爲周之西都東對西而言也成周曰下

都蓋以王城爲洛之上都下對上而言也

趙氏補注九

晉師使成公般戍周而還解般晉大夫

成公氏晉有成公般案通志略

五

云成公氏衛成公之後

以壽諡爲氏此成公般疑出自晉成公與成鯨

昭廿八成何

定之成氏別

萬氏氏族略

王入于莊宮解莊宮在王城

莊宮已見廿二年

汪氏曰莊宮在王城則敬王亦入王城矣三十二年城成

周蓋敬王入王城而弗居遂定都成周也

趙氏補注九

王愆于厥身諸侯莫不並走其望以祈王身解愆惡疾也



夷王八年王有疾諸侯祈于山川王陟

竹書紀年

居王于匱

汾王厲王也厲王流于匱匱在汾水之上故時人因以號

之猶言莒郊公

昭十四

黎比公也

襄十六詩韓奕箋

匱本禹貢岳陽

也漢為匱縣屬河東郡東漢為永安縣今為霍州

山西屬平

陽府

案今升直隸州

南有匱水有匱城東南有厲王墓

春秋地名攷略一

秦人降妖曰周其有頤王云云

風俗通曰不舉生鬢鬚子俗說人十四五乃當生鬢鬚今

生而有之妨害父母也謹案周書靈王生而有鬣王甚神

聖亦克修其職諸侯服享二世休和安在其有害乎

太平御覽

人事部十五案今本風俗通佚此文

亦克能脩其職

古經亦有重言之者書不遑暇食遑卽暇也詩無已大康已卽太也旣安且寧安卽寧也旣庶且多庶卽多也左傳十年尚猶有臭尚卽猶也亦克能脩其職克卽能也禮記

人喜則斯陶則卽斯也

日知錄二十四

茲不穀震蕩播越

播遷也越逸也言失其所居

後漢書袁術傳注

昔先王之命曰王后無適則擇立長年鈞以德德鈞以卜王不立愛公卿無私古之制也正義公羊傳曰立適以長不以賢立子以貴不以長云云何休難年鈞以德之言云人君所賢下必從之焉能使王不立愛也鄭玄荅云周禮小司寇掌

外朝之政以致萬民而詢焉其三曰詢立君其位王南鄉三公及州長百姓北面羣臣西面羣吏東面小司寇以敘進而問焉如此則大衆之口非君所能掩是王不得立愛之法也三公六卿毋得私附王之庶子而妄立之其意言單劉有私情違古制也何休難云大夫不世功而并爲公卿通繼嗣左氏爲短鄭玄云公卿之世有大功德先王命所不絕者何難旣非鄭荅亦謬

休以爲春秋之義三代異建適勝別貴賤有姪娣以廣親疏立適以長不以賢立子以貴不以長王后無適明尊之敬之義無所卜筮不以賢者六狀難別嫌有所私故絕其怨望防其覬覦今如左氏言云年鈞以德德鈞以卜君之

所賢人必從之豈復有卜隱桓之禍皆由是興乃曰古制  
不亦謬哉又大夫不世如并爲公卿通繼嗣之禮左氏爲  
短玄箴之曰立適固以長矣無適而立子固以貴矣今言  
無適則擇立長謂貴均始立長王不得立變之法年均則  
會羣臣羣吏萬民而詢之有司以序進而問大衆之口非  
君所能掩是王不得立變之法也禮有詢立君示義在此  
短之言謬失春秋與禮之義矣公卿之世立者有功德先  
王之命有所不犯如是經中卜立君亦是年均德均也禮周  
春官大卜疏 案詩文王正義鄭箴音言云公卿之世立  
大功德先王之命有所不絕者是大功特命則得世位也  
餘詳隱八年襄卅一年

閔馬父聞子朝之辭曰文辭以行禮也

周之典籍皆歸子朝故其辭爾雅

義門讀  
書記

禮之可以爲國也久矣與天地並解有天地則禮義興

禮運云夫禮必本於太一是天地未分之前已有禮也禮者理也其用以治則與天地俱興故昭二十六年左傳稱晏子云禮之可以爲國也久矣與天地並但於時質略物生則自然而有尊卑若羊羔跪乳鴻鴈飛有行列豈由教之者哉是三才旣判尊卑自然而有但天地初分之後卽應有君臣治國但年代縣遠無文以言

禮記  
正義

君令臣共父慈子孝兄愛弟敬夫和妻柔姑慈婦聽禮也君令而不違臣共而不貳父慈而教子孝而箴兄愛而友弟敬而順夫和而義婦柔而正姑慈而從婦聽而婉

舜命契敷五教孟子以爲君臣父子夫婦兄弟朋友是也  
左氏傳晏子曰君令臣共父慈子孝兄愛弟敬夫和妻柔  
姑慈婦聽去朋友而言婦姑又曰君令而不違臣共而不  
貳父慈而教子孝而箴兄愛而友弟敬而順夫和而義妻  
柔而正姑慈而從婦聽而婉五者之中唯兄弟婦姑專主  
和順至於君雖得以令臣而不可違於理而妄作臣雖得  
以其君而不可貳於道而曲從父慈其子必教以義方子  
孝其父必箴其闕失夫以和倡婦尤當制之以義妻以柔  
從夫尤當自守以正蓋三者乃三綱也所繫尤重故於雍  
睦敬愛之中必有檢方規正之道庶幾各盡其分而三綱  
立矣

鶴林玉  
露十三

父母以情言皆得謂慈以教言並得稱嚴姑

亦云慈有母道焉此婦告威姑之所以均失也

見說文威字下周

氏附論

內則曰姆教婉婉聽從蓋婉妻道也婉母道也聽婦

道也從姑道也左傳曰姑慈而從婦聽而婉

坤雅三

公曰善哉寡人今而後聞此禮之上也

齊之業固衰於景公然當時忠言讜論亦莫盛於景公看  
左氏所載晏子立齊之朝雖不秉政觀其前後獻忠如論  
踊貴履賤至於一言省刑如論不誅祝史如論厚斂困民  
如論省方觀民如論和同之說如論彗星則曰天道不誦  
論路寢則曰在禮忠言讜論如此之多何故不能揀齊之  
衰亡且景公非不聽信晏子之言或曰公乃止或曰公曰  
善哉此類甚多如孟子所載晏子論巡狩述職景公大說

又如論語所載景公問政夫子言君君臣臣父父子子則  
曰善哉景公於忠言讜論未嘗不欣然領受而齊卒不振  
者蓋能聽而不能用人君之大患正在此

呂氏春秋左  
氏傳說十六

補釋廿七



補釋廿八年

起昭公廿七年盡卅二年

左通一

錢塘梁履繩學

昭廿七

使公子掩餘公子燭庸解二子皆王僚母弟

公子燭庸壽夢子公子掩餘壽夢子

杜氏世族譜

帥師圍潛解楚邑在廬江六縣西南

今江南

徽安

六安州霍山縣東北三十里有潛城

大事表七之四

帥都君子解在都邑之士有復除者

君子既爲士則不調發唯吳楚多有此事急則從如越有

君子六千人是也

春秋分記征伐書二君子王所親近有志行者猶吳所謂賢

案國語吳語注

良齊所謂士也

與吳師遇于窮

窮水經注水出安豐縣窮谷

見淮水注

在今江南霍丘縣西

案

屬安徽潁州府日講春秋解義五十五

別詳駁證

及沙汭而還解沙水名

水經注汴沙到浚儀而分汴東注沙南流至義城縣西南

入于淮謂之沙汭楚東地也

見渠水注

義城故城在今江南

安徽

鳳陽府懷遠縣東北

大事表八下

左尹郤宛

郤尹光唐之子也宛字也

呂氏春秋慎行篇注沅校云光唐無攷高氏或據世

案畢氏

本為說宛字子

惡注也字譌

不索何獲

服虔曰不索當何時得也

史記吳世家集解

王使甲坐於道及其門解坐道邊至光門

荀子正論曰庶士介而坐道楊倞曰庶士軍士也介而坐道

被甲坐於道側以禦非常也惠氏補注六

抽劒刺王鉞交於胷遂弑王闔廬以其子爲卿

鉞交於胷而鱗設諸不爲之動所以能弑王也然鱗設諸

亦死矣闔廬既立以其子爲卿史竟言之顧氏補正下

以待天命

服虔曰待其天命之終也史記吳世家集解

公子燭庸奔鍾吾解鍾吾小國

昭三十年吳子執鍾吾子蓋滅矣漢置司吾縣今江南蘇江

徐州府宿遷縣西北有司吾鄉案今作峒晉元帝督運軍

儲于此因置宿豫縣為重鎮宋齊梁之世常迭屬南北唐

避代宗諱改曰宿遷大事表九

鄆將師為右領解右領官名

哀十七年有右領差車大事表十

不足以辱令尹

辱屈辱也呂氏春秋慎行篇注

取五甲五兵正義周禮司右云凡國之勇力之士能用五兵

者屬焉鄭引司馬法曰弓矢圍及矛守戈戟助凡五兵云云

五戎謂五兵弓矢及矛戈戟也禮記月令注案周禮司兵掌五

兵鄭司農注五兵者戈及戟酋矛夷矛後鄭又注云步卒

之五兵則無夷矛而有弓矢如鄭所云則此注據步卒五

兵乃矢一也爰長丈二二也矛長二丈三也戈長六尺六

寸四也戟長一丈六尺五也此隨便而言不依周禮長短

之次也

又正義

諸說不一周禮司右月令注弓矢爰矛戈戟

司兵注戈爰戟夷矛酋矛穀梁注

莊廿五

矛戟鉞楯弓矢

戰國

齊策五吳師道注

謂司城子梁解宋樂祁也

宋樂祁字子梁祁祈古字通

詩興雲祁祁韓詩外傳作祈祈

齊公子祈字

子高則祁者高也宋孔臯夷字祁父則臯夷者高平也楚

沈諸梁字子高則梁亦高也云祁犁者取疊韻之字以爲

語助古語類多如此故經書樂祁犁

昭廿七定六

而傳止言樂

祁

周秦名字解故上

事君如在國解書公行告公至是也

當時諸侯出奔其國卽別立君惟魯不敢故昭公雖在外而意如猶以君禮事之顧氏補正下

陽虎解季氏家臣

孔曰陽貨陽虎也

論語陽貨集解

蓋名虎字貨

又疏

案虎貨聲相

近邠氏以貨爲字非

夫左尹與中廢尹

解

中廢尹陽令終

宮廢尹亦曰中廢尹傳掌宮闈之禁襄十五年養由基爲

宮廢尹昭元年宮廢尹子皙出奔鄭六年獲宮廢尹弃疾

二十七年殺中廢尹陽令終

春秋分記職官書四

屏王之耳目

屏蔽也

呂氏春秋  
慎行篇注

幾及子矣

幾近也

呂氏春秋  
慎行篇注

其飲酒也

正義禮為諸侯相為賓主國待之云云

子家知齊侯必不為公設享禮第以享為辭耳

趙氏補  
注九

使宰獻而請安解齊侯請自安不在坐也

正義劉炫云案燕

禮司正洗角解云云

案下云請使重見則齊侯欲自安可知故子家得以君出

使齊侯在坐魯君豈容遽出也

趙氏補  
注九

晉籍秦解籍談子

中行寅染於黃籍秦高彊

呂氏春秋  
當染篇

案黃豈籍秦之食

邑乎墨子所染篇無黃字

昭廿八 愁使吾君聞勝與臧之死也以爲快解愁發語之音

哀十六年不愁遺一老注云愁且也與此不同陸氏附注三

別詳駁證

其母欲娶其黨

案論衡叔向之母姬姓惠氏補注六 案論衡本性篇云叔姬視之又見列女傳

吾母多而庶鮮吾懲舅氏矣解言父多妾媵而庶子鮮少嫌

母氏性不曠正義據庶弟而發言故謂父妾爲母耳

母諸妾也妾以命於母故曰母多庶鮮言其母之妒也邵氏

左列子湯問曰北山愚公懲山北之塞出入之迂注韓詩外

傳云懲苦也惠氏補注六



樂正后夔取之解夔舜典樂之君長

書大傳曰樂正定樂名八伯貢樂九奏具成則自唐虞已

有樂正之名尚書不詳耳

惠氏補注六

有窮后羿滅之解羿篡夏后者

案天問帝降夷羿革孽夏民又云馮珧利決封豨是射封  
豨謂伯封也左傳曰有仍氏生女黥而甚美后夔取之實  
生伯封又曰后緡逃歸有仍生少康焉然則帝相與后夔  
皆取有仍氏之女而少康伯封同自出也伯封之亡雖其  
貪恠忿讎有以自取后羿所爲滅之者亦以其黨於帝相  
而不附己邪羿旣獲伯封而用之以祭故天問繼之云何  
獻蒸肉之膏而后帝不若

案與王遂注異

蓋伯封雖不肖而以羿

滅之則爲非辜此帝之所以不若而羿不旋踵亦見烹於

其臣與

兩漢刊誤補遺四

則必有禍

戰國趙策

三

樓緩舉公甫文伯母子死不哭之事云從母

言之爲賢母也從婦言之必不免爲妒婦也故其言一也

言者異則人心變矣叔向之母智識特絕然龍蛇生禍且

諫其母尤物移人反懲舅氏以如是之賢母而不克保其

族氏亦危矣哉

周氏附論

姑視之

視相察也

國語晉語八注

遂弗視

不自養視也

國語晉語八注

分祁氏之田以爲七縣分羊舌氏之田以爲三縣

晉之宗家祁僂孫叔嚮子相惡於君六卿欲弱公室乃遂以法盡滅其族而分其邑爲十縣各令其子爲大夫晉益弱六卿皆大

史記晉世家

司馬彌牟爲鄆大夫解大原鄆縣

士景伯

昭十三年士伯

昭廿三年

彌牟

昭十三年

士彌牟

昭廿三年

司馬彌牟

鄆大夫

春秋名號歸一圖上

今鄆城故址在山西汾州府介休縣東

北二十七里

大事表

案景伯爲士官此時豈改官司馬

耶高氏姓名同異攷以爲兩人鄆乃祁氏之邑故其臣有

鄆臧

賈辛為祁大夫

祁氏以邑為氏祁勝乃其臣之守是邑者非其族也周氏附論

詳見成八年

司馬烏為平陵大夫

大陵城山西太原府文水縣東北二十里即晉之平陵也

趙曰大陵史記趙肅侯十六年遊大陵出於鹿門又武靈

王十六年遊大陵夢處女鼓琴而歌讀史方輿紀要四十

知徐吾為塗水大夫解徐吾知盈孫塗水大原榆次縣

蹠生三子曰徐吾無後曰瑕曰申案晉語九云知宣子注作申春秋分記世譜六

塗水有二一曰大涂水發源太原府榆次縣東南八縛嶺

下西北流入洞渦水一曰小涂水源出鴈山西流入大涂

水 大事表  
八上

韓固爲馬首大夫

元和郡縣志馬首故城在壽陽縣東南十五里漢爲榆次之東境隋置壽陽縣今屬山西平定州縣東南十五里有

馬首村 大事表  
七之三

孟丙爲孟大夫解大原孟縣

哀四年齊國夏伐晉取孟卽此孟縣今屬平定州 大事表  
七之三

趙朝爲平陽大夫解朝趙勝曾孫平陽平陽縣

稷生朝 春秋分記世譜六  
見定十三年朝是午之孫此時不應已爲大夫程

譜恐未確古平陽卽堯所都春秋時爲晉邑其後韓貞子居此

案本史記韓世家竹書紀年云晉烈公元年韓武子都平陽 漢以後爲平陽縣隋改曰

臨汾今為山西平陽府治春秋地名攷略五

僚安為楊氏大夫解平陽楊氏縣

案通志略五云何氏姓苑有遼氏古僚遼通疑即此僚氏

也春秋魯有僚祖昭廿五晉有僚安萬氏氏族略楊楊氏二名平

陽楊氏邑故楊國也杜氏土地名詳見襄廿九年楊下

其四人者皆受縣而後見於魏子以賢舉也解受縣而後見

言采眾而舉不以私也

言非素識顧氏補正下

昔武王克商光有天下其兄弟之國者十有五人姬姓之國

者四十人正義僖二十四年傳數文之昭也有十六國此言

武王兄弟之國十五人者人異故說異耳

案荀子以爲天下立七十一國姬姓獨居五十三人案見

及君道篇與此異也惠氏補注六

德正應和曰莫解莫然清靜

德正卽德音政教是音聲號令也服虔云在已爲德施行爲正發號施令天下皆應和之言皆莫然而定無譴譁也

詩皇矣

正義

照臨四方曰明

服虔云豫見安危也

詩皇矣正義

擇善而從之曰比解比方善事使相從也

服虔云比方損益古今之宜而從之杜預云比方善事使相從二說皆不得以解此何者彼唯說文王不言比方他

人故服杜觀傳爲說此以王季此文王當謂擇善而從以

北方之也

詩皇矣正義

魏戎謂閭沒

閭沒閭明

國語晉語九注

諺曰唯食忘憂吾子置食之間三歎何也

曲禮曰當食不歎注云食或以樂非歎所蓋凡遇食不宜

歎歎則不飽不必定奏樂始不宜歎故云或也鄭氏特本

桓公九年傳曹太子樂奏而歎事爲說耳

尚靜齋經說

不夕食解言飢甚

服虔曰昨飲酒醉故不夕食

見太平御覽人事部九十二

案二人謂昨

不夕食故始饋而恐不足耳

惠氏補注六



中置

漢書樊噲傳項羽既饗軍士中酒中酒謂酒半也呂氏春

秋謂之中飲

見穀更篇又戰國策楚王觴張儀中飲

凡事之半曰中左傳中

置謂饋之半也

上云饋之始至下云饋之畢

史記河渠書中作而覺謂

工之半也呂氏春秋中關

音彎

而止謂關弓弦正半而止也

見壅塞篇

中酒猶今人言半席師古解以不醉不醒故謂之中

失之矣

司馬相如傳酒中樂酣師古曰酒中飲酒中半也一人注書前後不同日知錄二十七

豈將軍食之而有不足解魏子中軍帥故謂之將軍正義及

六國以來遂以將軍爲官名蓋其元起於此

春秋傳晉獻公作二軍公將上軍太子申生將下軍是已

有將軍之文而未以爲名也至昭公二十八年閻沒女寬

對魏獻子曰豈將軍食之而有不足公羊傳將軍子重諫

二宜十穀梁傳使狐夜姑爲將軍文孟子魯欲使慎子爲將

軍墨子昔者晉有六將軍而智伯莫爲強焉非攻莊子今

將軍兼此三者盜淮南子趙文子問於叔向曰晉六將軍

其孰先亡道張武爲智伯謀曰晉六將軍人又曰魯君召

子貢授之將軍之印人而國語亦曰鄭人以詹伯爲將軍

四晉語又曰吳王夫差黃池之會十行一嬖大夫十旌一將

軍吳禮記檀弓衛將軍文子之喪史記司馬穰苴傳景公

以爲將軍案索隱將者音卽匠反遂以將軍爲官名故尸

封禪書杜主者故周之右將軍越世家范蠡稱上將軍魏

世家令太子申爲上將軍戰國策梁王虛上位以故相爲

上將軍漢書百官表曰前後左右將軍皆周末官通典曰

自戰國置大將軍

二十

楚懷王與秦戰秦敗楚虜其大將

軍屈丐至漢則定以爲官名矣

日知錄二十四

案後漢書南蠻

傳高辛氏患犬戎之寇犬戎之將有吳將軍者章懷注以

爲本應劭風俗通

佚今

然則將軍之號由來尚矣

願以小人之腹爲君子之心屬厭而已解屬足也言小人之  
腹飽猶知厭足君子之心亦宜然

服虔云屬足也小人二子自謂小人腹飢則恐食之不足

厭飽則知止君子居尊官食重祿而不知足故願以其腹

爲君子之心

太平御覽人事部九十二

昭廿九

稱主君解比公於大夫

晉語欒氏之臣辛俞曰三世事家君之再世以下主之注云

大夫優施謂里克妻曰主孟啗我注云大夫之妻稱主左傳醫和謂

趙孟曰主是謂矣魏戊曰主以不賄聞於諸侯此大夫稱

主也案子稱沒父為先主哀廿年傳先主與吳王有質齊侯使高張來唁公稱主

君子家子曰齊卑君矣主君大夫之稱也史記甘茂傳樂

羊拔中山魏文侯示之誦書樂羊曰此非臣之功也主君

之力也見戰國秦策二戰國策梁王魏嬰觴諸侯於范臺魯君曰

主君之尊儀狄之酒也主君之味易牙之調也魏以大夫

為諸侯故猶稱主君因學紀聞六案閻氏云周禮主以利得民注云主謂公卿大夫是大夫

稱主周之制也全氏云閻說附會又云魏以主君為稱亦未必如深寧之言蓋世降而名稱變耳

子家子曰從者病矣請以食之乃以帷裏之解禮曰敝帷不

弃爲埋馬也

日格子曰敝帷不弃爲埋馬也蓋古禮云昭公欲櫛啟服而子家子乃使食之何其言與古異也當是時昭公之從者病矣此之不恤而死馬是櫛何哉廢焚子退朝曰傷人乎不問馬而況處昭公之時乎路馬死埋以帷禮也子家子之食從者權也

邵氏學史一

其母偕出解出之產舍正義內則云妻將生子及月辰居側室云云然則產舍是側室也

產舍卽大戴禮保傳篇所謂宴室也賈子胎教篇作蓐室

周氏附論

魏獻子問於蔡墨曰解蔡墨晉大史

史墨

昭卅一

蔡墨

昭廿九年

蔡史墨

同上年名號歸一圖上

春秋

案下鑄刑

鼎傳作蔡史墨或蔡人否則掌龜卜之史故以蔡史名官

哀九年傳趙鞅卜救鄭占諸史趙史墨史龜案周禮占人

職曰凡卜筮史占墨禮記玉藻曰卜人定龜史定墨君定

體又月令命大史釁龜筮占兆審卦吉凶則卜筮之事雖

太卜等官專掌而太史亦莅其事故周太史及晉史趙諸

人並以占卜見或謂春秋時稍稍侵官則未然也

大事表十

案哀廿年傳史黯何以得爲君子杜氏引昭卅二年史墨

語作史黯明是一人晉語韋注云史黯晉大夫史墨也愚

謂蔡其氏墨其名呂氏春秋召類篇有史默疑卽史墨古

本通用黯義亦相近或卽其字

昔有颺叔安解颺古國也

颺高陽氏後己姓廖也今唐之湖陽一作颺路史國名紀三颺古

國其地後為州蓼之蓼見桓十一大事表五詳見古音

封諸颺川颺夷氏其後也解颺水上夷皆董姓

鄭語董姓颺夷參龍則夏滅之矣商書遂伐三股俘厥寶

玉蓋即水上颺夷之餘種也案潛夫論志氏姓颺孔傳三

股國名今定陶也春秋地名攷略十三水經注濟水曰定陶縣案縣今屬

曹州府故三颺國也湯追桀伐三颺即此周武王封弟叔振

鐸之邑故曹國也城邑攷曰曹國今定陶縣西古陶城是

又縣北十五里有髣山志云髣山有三颺亭春秋地名攷略十二

及有夏孔甲解孔甲少康之後九世君也正義帝王世紀云

少康子帝杼杼子帝芬芬子帝芒芒子帝世世子帝不降不降弟帝喬喬子帝廣也至帝孔甲孔甲不降子

臣召南案此疏據帝王世紀也若夏本紀少康子帝宁即

帝杼案索隱引系本作季竹書紀年舊注杼或作帝宁一曰伯杼宁子槐不作帝芬案

隱引系本作帝芬紀年注芬或曰芬發芒子帝泄不作帝世案索隱帝芒音亡鄒誕生又音

荒紀年注芒或曰不降弟帝局不作帝喬案索隱引系本作帝降紀年云

帝荒帝世作帝泄局子帝廩不作帝廣案竹書紀年注帝廩一名肩甲即金履祥

前編亦依史記也左傳考證

其後有劉累

帝堯陶唐氏子孫生子有文在手曰劉累因以為名唐書宰相

世系表

一上



懼而遷于魯縣知魯縣今魯陽也

紀年曰孔甲七年劉累遷于魯陽地理志曰南陽魯陽有

魯山古魯縣御龍氏所遷

惠氏補注六

今河南魯山縣

案縣屬汝州

東北有魯陽故城

日講春秋解義五十六

案春秋時爲楚地外傳

楚語下惠王以梁與魯陽文子注云司馬子期子魯陽公

也淮南覽冥訓注云魯陽楚之縣公今南陽魯陽是也愚

謂夏后之世未必號魯縣左氏以其時言之故稱魯縣卽

魯陽縣也與下舉晉范氏一例

范氏其後也解晉范氏也

括地圖曰夏德盛二龍降之禹使范氏御之以行程南方

文選班孟堅東都賦注

案孟子吾爲之範我馳驅孫奭音義云範

我或作范氏古之善御者博物志云夏德之盛二龍降之

禹使范成光御之行域外據此則晉之范氏乃成光之裔

也文選陸佐公石闕銘注引博物志作范成克成光能御二龍豈亦嘗學擾龍

于參龍氏以事夏禹如劉累之代豕韋乎

祀為貴神社稷五祀是尊是奉解五官之君長能脩其業者

死皆配食於五行之神為王者所尊奉

五祀見於周禮禮記儀禮雜出於史傳多矣特祭法以司

命泰厲為七祀而左傳家語五帝篇則以五祀為重該脩熙

黎句龍之五官月令以五祀為門行戶竈中雷白虎通劉

昭范曄高堂隆之徒以五祀為門井戶竈中雷鄭氏釋大

宗伯之五祀則用左傳家語之說先鄭云祀五色之帝於王者宮中日五祀案五

色之帝所謂青帝靈威仰赤帝赤熛怒黃帝含樞紐白帝白招拒黑帝汁光紀釋小祝之五祀用

月令之說釋王制之五祀則用祭法之說而荀卿謂五祀

執薦者百人侍西房

見正論篇

侍西房則五祀固非四方之五

官侍必百人則五祀固非門戶之類然則所謂五祀者其

名雖同其祭各有所主也七祀之制不見他經鄭氏以七

祀爲周制五祀爲商制然周官雖天子亦止於五祀儀禮

雖士亦禱五祀

見既夕禮記案五禮通考引呂氏大臨曰

而得禱

則五祀無尊卑隆殺之數矣祭法自七祀推而下

之至於適士二祀庶人一祀非周禮也然禮所言五祀蓋

皆門戶之類而已

禮書九十四

春官大宗伯以血祭祭五祀

案

立謂此五祀者五官之神在四郊四時迎五行之氣於四郊而祭五德之帝亦食此神焉少昊氏之子曰重爲句芒

食於木該為蓐收食於金脣及熙為立冥食於鄭鏐曰中

水顓頊氏之子曰黎為祝融后土食於火土

雷土也季夏祀之井水也冬祀之門金也秋祀之戶木也

春祀之竈火也夏祀之皆五行之小神在地者故其祭亦

自血始王氏周禮訂義二十九案鄭注以五祀為祭五官神非也血

祭豕沈醵辜皆祭地祇左傳五官皆當從祀天神不在地

祇內鄭剛中謂五行之小神在地者信矣五禮通考五十三

少皞氏有四叔解少皞金天氏

賈逵注曰少皞黃帝之後金天氏也四叔四子皆叔太平御覽

實能金木及水解能治其官

賈逵注曰能順其成性也太平御覽禮儀部十一

遂濟窮桑解窮桑少皞之號也云云窮桑地在魯北

尸子少昊金天氏邑于窮桑注窮桑國名

畢氏晉書地理志補正一案

任氏藏本尸子仁意篇曰少昊金天氏邑于窮桑曰五色互照窮桑

帝王世紀曰少昊自窮

桑登帝位窮桑在魯北後徙曲阜

續漢書郡國志二注

后土爲社

趙商問春秋昭二十九年左傳曰顓頊氏之子犁爲祝融

其工氏有子曰句龍爲后土祭法曰其工氏霸九州也其

子曰后土能平九州故祀以爲社社卽句龍今云五官之

神及四郊其二祀合爲犁食火土者何荅曰犁爲祝融句

龍爲后土左氏下言后土爲社謂暫作后土后土轉爲社

此五字據詩甫田正義引鄭志增

無有代者

詩正義有作復

故先師之說犁兼之

因火土俱位南方

詩正義作亦因火土位在賈逵馬融王周禮春官大宗伯疏

肅之徒以社祭句龍稷祭后稷皆人鬼也非地神故聖證  
論王肅難鄭云禮運云祀帝於郊所以定天位祀社於國  
所以列地利社若是地應云定地位而言列地利故知社  
非地也爲鄭學者馬昭之徒通之云天體無形故須云定  
位地體有形不須云定位故唯云列地利肅又難鄭云召  
誥用牲于郊牛二明后稷配天故知二牲也又云社于新  
邑牛一羊一豕一明知唯祭句龍更無配祭之人爲鄭學  
者通之云是后稷與天尊卑既別不敢同天牲句龍是上  
公之神社是地祇之別尊卑不甚懸絕故云配同牲也肅  
又難鄭云后稷配天孝經有配天明文后稷不稱天也祭

法及昭二十九年傳云句龍能平水土故祀以爲社不云祀以配社明知社卽句龍也爲鄭學者通之云后稷非能與天同功唯尊祖配之故云不得稱天句龍與社同功故得云祀以爲社而得稱社也肅又難云春秋說伐鼓于社責上公不云責地祇明社是上公也又月令命民社鄭注云社后土也孝經注云后稷土也句龍爲后土鄭旣云社后土則句龍也是鄭自相違反爲鄭學者通之云伐鼓責上公者以日食臣侵君之象故以責上公言之句龍爲后土之官其地神亦名后土故左傳云君戴皇天而履后土地稱后土與句龍稱后土名同而實異也鄭注云后土者謂土神也非謂句龍也故中庸云郊社之禮注云社祭地

神又鼓人云以靈鼓鼓社祭注云社祭祭地祇也是社爲

地祇也

禮記郊特牲正義

鄭志荅趙商云后土爲社謂轉作社神

趙商問郊特牲社祭土而主陰氣大宗伯職曰王大封則

先告后土注云后土土神也若此之義后土則社社則后

土二者未知云何敢問后土祭誰社祭誰乎荅曰句龍本

后土後遷之爲社主

王字據周禮大宗伯疏增彼疏作社王字必主字之譌續漢書祭祀志下

注云自漢諸儒論句龍卽是社主或云是配其議甚衆後

荀彧問仲長統以社所祭者何神也統荅所祭者土神也

云大封先告后土玄注云后土土神不云后土社也田瓊

問周禮大封先告后土注云后土社也前荅趙商曰當言

后土土神言社非也檀弓曰國亡大縣邑或曰君舉而哭

於后土注云后土社也月令仲春命民社注云社后土中



庸云郊社之禮所以事上帝也注云社祭地神不言后土

省文此三者皆當定之否荅曰后土土官之名也周禮疏作古之

官死以爲社神而祭之故曰后土社三字據周禮疏增句龍爲土

官土官亦據周禮疏改後轉爲社故世人謂社爲后土無可怪也欲

定者定之亦可不須詩甫田正義案國語魯語上韋注云社后土之神也周禮疏云句龍生

爲后土官死配社卽以社爲后土其實社是五土總神非

后土但以后土配社食世人因名社爲后土耳此說最爲

明哲有烈山氏之子曰柱爲稷自夏以上祀之周弃亦爲稷自商

以來祀之

案祭法云厲山氏之有天下也其子曰農能殖百穀案禮記祭

法正義國語云神農之夏之衰也周弃繼之故祀以爲稷

子名柱作農官因名農甫畢十八

若然稷祀弃實在湯時云夏之衰者遷柱由旱欲見旱從

夏起故據夏而言也案商書序正義魯語文與祭法正同而云夏之興也周弃繼之興當為衰

字之誤耳魯語上韋注柱為后稷自夏以上祀之夏之興謂禹也弃能繼柱之功自商以來祀之與賈孔之說不合

是以書序云湯既勝夏欲遷其社不可作夏社注云犧牲

既成粢盛既潔祭祀以時本作祭以其時依書序正義引鄭注校改而旱暵水

溢則變置社稷當湯伐桀之時大旱致災既致其禮祀明

德以薦此三句依王氏尚書後案卷三十校本而猶旱至七年故湯遷社而

以周弃代之欲遷句龍以無可繼之者於是故止其旱在

夏之時驗也案禮記祭法正義曰夏末湯遭大旱七年欲變置社稷故廢農祀弃周禮大宗伯疏

案本傳正義引書序孔傳以為湯革命創制改正易服

變置社稷書正義亦以此言為得其旨云若商革夏命猶

七年祀柱左傳亦不得斷爲自夏以上祀柱自商以來祀  
弃也而於祭法正義又取鄭氏與賈疏同豈非自相違反  
耶續漢書祭祀志下云殷以柱久遠而堯時弃爲后稷亦  
植百穀故廢柱祀弃爲稷原注案前志立官社以夏禹配王莽奏立官稷后稷配也大  
司農鄭玄說古者官有大功則配食其神故句龍配食於  
社弃配食於稷履繩謂劉昭獨不采鄭氏因旱廢柱之義  
固自有見

晉趙鞅荀寅帥師城汝濱解汝濱晉所取陸渾地

汝水在河南汝州魯山縣北源出大孟山東北流入伊陽

縣界左傳昭二十九年晉趙鞅荀寅帥師城汝濱蓋是時

滅陸渾而取其地也

讀史方輿紀要五十一案大事表八上云陸渾在河南府嵩縣汝水源

于汝州魯山  
縣地相接

卅昭逆吳公子使居養解養卽所封之邑

今河南陳州府沈丘縣東有養城春秋時楚養邑也杜雖

不言養所在然他處注云城父屬譙郡昭九汝陰西北有胡

城昭四譙郡今爲江南安徽亳州汝陰今爲潁州府案亳州卽隸府沈

丘與之偪近正在吳楚境上言養邑在此理可通已大事表七

之  
四餘詳宣十二年

若好吾邊疆使柔服焉解柔服謂不與吳構怨

朱申曰使吳人柔順而服從也陸氏附注三

對曰楚執政衆而乖莫適任患若爲三師以肄焉一師至彼必皆出彼出則歸彼歸則出楚必道敝亟肄以罷之多方以

誤之既罷而後以三軍繼之必大克之

隋之平陳賀若弼以沿江防人每交代之際必集廣陵陳人以爲隋兵大至急發兵爲備既知防人交代其衆復散後以爲常不復設備故弼之濟江陳人不覺韓擒虎將兵五百人自橫江宵濟采石守者皆醉遂克之正得伍員多方以誤既罷而後以三軍繼之必大克之之策員之精於兵固不待論其說楚病源執政衆而乖莫適任患以爲敗亡之根本若人人同心戮力無緣得乖惟各私其私互相忌疾此所以衆而乖此推於彼甲推於乙各自謀身而已楚國人臣雖衆無人以國事爲已事最爲國之巨患人主所當深憂

呂氏春秋左氏傳說十七

淮南兵略云用兵之道先忤而後

合前冥而後明故所嚮非所之也所見非所謀也此多方

以誤之之道也

讀左日鈔十一

昭卅一楚師遷潛於南岡而還

昭二十七年杜注潛楚邑在廬江六縣西南漢置潛縣屬

廬江郡晉因之今江南

安徽

六安州霍山縣東北三十里有

潛城南岡卽漢置縣處也

大事表七之四

十二月辛亥朔日有食之

庚寅歲

開元歷是歲十月辛亥朔入常立冬五日日在尾十三度

於古距辰尾之初麟德歷日在心三度於黃道退直于房

矣

唐書歷志三上

今歷推之是月辛亥朔加時在晝交分二十六

日六千一百二十八入食限

元史歷志二

對曰六年及此月也吳其入郢乎終亦弗克入郢必以庚辰  
日月在辰尾庚午之日日始有謫火勝金故弗克入庚辰有  
變日在辰尾故曰以庚辰定四年十一月庚辰吳入郢辰尾  
龍尾也周十二月今之十月日月合朔於辰尾而食謫變氣  
也庚午十月十九日去辛亥朔四十一日雖食在辛亥更以  
始變爲占也午南方楚之位也午火庚金也日以庚午有變  
故災在楚楚之仇敵唯吳故知入郢必吳火勝金者金爲火  
妃食在辛亥亥水也水數六故六年也

張逸問占夢注云昭三十一年十二月辛亥朔日有食之  
是夜也趙簡子夢童子僂而轉以歌旦而日食占諸史墨  
對曰六年及此月也吳其入郢乎終亦弗克入郢必以庚

辰日月在辰尾庚午之日始有謫火勝金故弗克此以

日月星辰占夢者不知何術占之前問不了荅曰日月在

辰尾夏之九月辰在房末有尾星建戌厭寅案惠氏補注云建戌則辰

在卯前一寅與申對辰與戌對惠氏注對猶衝也申近庚惠氏注

神契曰斗指申處暑指庚白露故知申近庚辰與戌對故知庚辰干上為客

下為主人故午為主人惠氏注翼奉曰辰為客時案見漢書本傳金侵火

故不勝雖不勝即復故云弗克日有適氣時九月節者以

庚午在甲子篇辛亥在甲辰篇也惠氏注古五子書每甲為一篇也中有

甲戌甲申甲午成一月也從庚午以下四日從甲辰至辛

亥八日并之十二日通同四十二日如是庚午之日當在

八月十九日故言時得九月節也言雖不勝即復者以其



庚金午火位相連故云雖不勝卽復也言雖不勝者吳君

臣爭宮秦救復至不能定楚是其不勝不能損吳是其卽

復也問曰何知有此厭對之義乎荅曰案堪輿黃帝問天

老事云

惠氏注藝文志堪輿金匱十四卷

四月陽建於巳破於亥

惠氏注巳亥爲

對月建

陰建於未破於癸是爲陽破陰陰破陽故四月有

癸亥爲陰陽交會十月丁巳爲陰陽交會言未破癸者卽

是未與丑對而近癸也

惠氏注援神契曰斗指癸小寒指丑大寒故知丑近癸爲未所破也

交會惟有四月十月也若有變異之時十二月皆有建厭

對配之義也趙商問曰

案疏本無趙商二字據曲阜孔氏古後樓校刊鄭志增

周之

十二月夏之十月日體正應在析木而云在星紀何

案服氏云

是歲歲在析木後六年在

荅曰據此月中有十一月節

惠氏

注析木十月星紀十一月故舉言之周禮春官占夢疏

別見駁證

昭卅二史墨曰不及四十年越其有吳乎越得歲而吳伐之必

受其凶解存亡之數不過三紀歲星三周三十六歲故曰不及四十年哀二十二年越滅吳至此三十八歲此年歲在星紀星紀吳越之分也歲星所在其國有福吳先用兵故反受其殃正義十一年傳稱莒弘對景王云歲在豕韋言十一年歲星在豕韋也又曰歲在大梁蔡復楚凶謂十三年歲星在大梁也十三年距此十九年耳歲星歲行一次十二年而行天一周則二十五年復在大梁云云

服注歲星在星紀吳越之分野蔡復之歲歲在大梁距此

十九年昭十五年有事於武宮之歲龍度天門

案昭九年正義服氏

以爲有事于武宮之歲龍度天門謂十五年歲星從申越  
未而至于午歷家以周天十二次別爲百四十四分歲星  
每年行一百四十五分是歲星行一次外剩行一分積  
一百四十四年乃剩行一次故照十五年得超一辰龍  
歲星也天門在戌是歲越過故知今年越得歲龍東方宿  
天德之貴神其所在之國兵必昌向之以兵則凶吳越同  
次吳先舉兵故凶也案本年傳正義或歲星在越分中故  
云得歲案顧氏補正云吳越雖同星紀之史墨知不及四  
十年越有吳者以其歲星十二年一周天存亡之數不過  
三紀三者天地人之數故歲星三周星紀至立枵哀二十  
二年越滅吳至此三十八年鄭君之義則不然故春秋志  
云五星之期各用數有氣者期遠而禍大無氣者期近而  
禍小吳伐越以夏周之孟夏建卯仲夏建辰木用事之時

木數三木用事則歲星王當從遠期以三乘十二爲三十

六歲星復其所而三十七過其次而歲星去矣故伐越以

後積三十八年至哀二十二年冬十一月丁亥而越滅吳

案越興在哀二十年吳惡未周故不滅也此鄭義與服小

異大同也

周禮春官保章氏疏

天官書曰歲星歲行三十度十六分

度之七率日行十三分度之一十二歲一周天此粗就成

數言也其實每日行十二分度之一稍強故每歲行一辰

之外必有盈分十二歲一周天之外必有盈度積久遂超

一辰超辰之率唐麟德歷以爲八十四年者與授時及今

法並同

七政書康熙戊申三月二十八日當立夏後三日合日在胃五度下至乾隆辛未四月十四日亦當

立夏後三日合日在胃四度是八十三年前七周天則八十三年前即超一辰有餘也

若三統以爲百

四十四年超一辰者初非實測特引昭公辛卯星在星紀

上迄僖公丙寅百四十五年星在大火爲證

見漢書律歷志下

唐

書一行五星議又云商周時百四十四年超一次商未及

春秋則百二十年超一次博引春秋內外傳以爲證

見唐書歷

志三皆不足憑蓋自春秋以前之積年取三統竹書較之

於商多百二十年於周多六十年一行稱引歲名全同竹

書而年數間依三統乃不先辨積年多少之是非而瑣瑣

於推步之疏密是放飯流歠而問無齒決矣至春秋傳二

百四十餘年之中從無超辰之證襄公二十八年丙辰淫

於玄枵而三十年戊午仍在姬訾昭公丁卯仍在析木三

十二年辛卯夏吳伐越史墨曰越得歲而吳伐之必受其

凶三統云在星紀夫史墨但云越得歲不云歲在星紀以爲在星紀者特據分野斷之耳分野吳越同在星紀何以見越得歲且是年果在星紀則哀公十七年癸亥當在鶉尾何以仍在鶉火乎是知越得歲者亦謂在析木蓋析木本越分以爲燕者乃後人易之徐圖臣天元歷理辨之詳矣總之歲星自有超辰而春秋傳所言歲星未嘗超辰也一行雖引據左氏如捕風掠影究無實證且步星必言某年某月某日在某宿某度及距日幾度各各詳明方信而有徵若但言某年在某宮則歲初與歲秒差一歲矣宮初與宮末差一宮矣名爲辨析實治絲而棼之也

盛百二左傳歲星超

辰

案超辰亦謂之跳辰

見周禮春官

服氏本三統爲說

杜氏因之至盛氏秦川獨謂左氏無超辰之義極爲明確  
蓋歷法古疏今密卽置閏及食限可見熊氏經說遂疑左  
氏說歲星自爲一家具襄廿八是未深究夫推步之術也盛氏  
列辨一行之議有五篇特錄其略於此

王使富辛與石張如晉

富氏周有富辰

信廿

路史富大夫富辰采

案見國名紀又五不詳其地

有富辛卽富新

見周語注

案沈

周大夫石氏石速

莊十

卽石速

周語

石張石尚

定十四

萬

氏氏族略

使伯音對曰解伯音韓不信定元年解簡子韓起孫不信也

不信字伯音

春秋分記

臣浩案不信當是韓須之子須未

及爲卿先卒不信代立者也史記韓世家宣子生貞子貞

子生簡子然則須卽貞子與

須詳昭二年左傳考證

遲速衰序解衰差也釋文衰初危反

襄廿九年正義衰者差也九章算術謂差分爲衰分是衰

與差通上冠禮記云以官爵人德之殺也注云殺猶衰也

亦以衰爲差

惠氏補注六

合諸侯之大夫于狄泉廿三年解狄泉今洛陽城內大倉西

南池水也時在城外

正義

今在城內者土地名云或曰定元

年城成周乃遷之入城內也

僖二十九年盟于翟泉昭二十三年天王居于狄泉二十

六年王始入于成周蓋此時狄泉與成周猶爲兩地至城

成周後始合爲一矣自是至於春秋終凡言京師皆卽成



周也定六年天王處于姑蓀辟儋頤之亂七年王入于王

城此王城似卽成周蓋敬王既定都後周人卽謂之王城

也

春秋地名  
破略一

屬役

正義

謂屬聚丁役也

謂付屬作者以功役也

詩閟宮  
正義

子家子反賜於府人

案周禮大府掌九貢九賦九功之貳以受其貨賄之入玉

府掌王之金玉玩好兵器凡良貨賄之藏內府掌受九貢

九賦九功之貨賄良兵良器以待邦之大用外府掌邦布

之入出雖侯國與王制異然府人司賜予之物亦猶大府

玉府內府外府所掌矣

春秋分記  
職官書一

體有左右解謂有兩

外傳

晉語

士蒞曰下不可以貳上貳若體焉韋注手足左

右各自爲貳體四支也

周氏附論

王有公諸侯有卿皆有貳也天生季氏以貳魯侯

諸侯以上卿爲貳則知天子陪貳唯三公也冢宰雖亦貳

王治事當從卿士之列也

詩蕩正義

政在季氏於此君也四公矣

問季友有大功於魯受費以爲上卿自此以往季氏將世  
世執魯國之柄乎余曰未也僖十六年季友卒而臧文仲  
執政文十年臧孫辰卒而東門襄仲執政宣八年仲遂卒  
而季文子執政故成之世文子曰相二君襄之世文子曰

相三君文子始見文六年是文子初立猶未相也況前此

乎

潛丘劄記一

補釋廿八